

**«Көлік инфрақұрылымын дамыту» тақырыбында
2013 жылғы 1 сәуірде Қазақстан Республикасы
Парламентінің Мәжілісінде өткен
Үкімет сағатының нәтижелері бойынша
ҰСЫНЫСТАР**

Қазақстан Республикасы Парламентінің Мәжілісі Қазақстан Республикасының Көлік және коммуникация министрі А.Қ. Жұмағалиевтің баяндамасын тыңдап, мыналарды **ҰСЫНАДЫ:**

Қазақстан Республикасының Үкіметі:

-автожол, әуе, темір жол, су салаларында көлік инфрақұрылымының жай-күйін жақсарту және көлік инфрақұрылымын дамытуға бөлінген қаражаттың нысаналы пайдаланылуына бақылауды күшейту жөнінде пәрменді шаралар қабылдасын;

-құқық бұзушылықтардың алдын алу, анықтау, жолын кесу және тасымалдаушылар мен лауазымды адамдарды жауаптылыққа тарту үшін мемлекеттік органдардың бақылау мен қадағалау функцияларын күшейту арқылы көлік қозғалысы мен жолаушылар тасымалының қауіпсіздігін қамтамасыз етсін;

-азаматтық авиация саласындағы уәкілетті органның авиациялық қауіпсіздікті және ұшу қауіпсіздігін қамтамасыз ету жөніндегі құзыретін кеңейтсін, сондай-ақ азаматтық авиация саласында тұрақты бақылау мен қадағалауды жүзеге асыру үшін мемлекеттік авиация инспекторларын енгізетін болсын;

-Халықаралық азаматтық авиация ұйымының (ИКАО) талаптарына сәйкес ұшу қауіпсіздігі мен авиациялық қауіпсіздікті, әуежайлардың инфрақұрылымын жаңғыртуды, әуе кемелерінің паркін жаңартуды және пайдаланушылар мен авиация персоналының жауапкершілігін арттыруды қамтамасыз етсін;

-көліктегі авария жағдайларын азайту, азаматтардың өміріне, денсаулығы мен мүлкіне зиян келуіне жол бермеу мақсатында жолаушылар мен жүк тасымалын жүзеге асыратын тұлғаларға қойылатын біліктілік талаптарын қатаңдатсын;

-республикалық және жергілікті маңызы бар автомобиль жолдарын, сондай-ақ теміржол учаскелерін салу, реконструкциялау және жөндеу кезінде орындалатын жұмыстардың, қолданылатын жол-құрылыс материалдарының сапасын бақылауды күшейтсін;

-шалғайдағы ауылдық елді мекендерді өңірлік шаруашылық байланыс жүйесіне интеграциялау үшін, сондай-ақ тұрғындарды өмірлік маңызы бар әлеуметтік қызметтермен қамтамасыз ету мақсатында оларды сапалы көлік инфрақұрылымымен қамтамасыз ету бойынша іс-шаралар әзірлесін;

-автомобиль жолдарының сақталуын қамтамасыз ету және оларды техникалық пайдаланудың сақталуына бақылауды күшейту мақсатында республикалық маңызы бар жолдардағы қозғалыс кезінде автокөлік құралдарын өлшеудің автоматтандырылған жүйесін енгізсін;

-экологиялық жағдайды жақсарту және «жасыл экономикаға» көшу аясында қоршаған ортаға зиянды қалдықтарды азайту үшін экологиялық тұрғыдан таза көлік түрлерін, еуро-4, еуро-5 стандартындағы сапасы жоғары отынды пайдалану жөніндегі жұмысты жандандырсын;

-көлік ағынын сапалы реттеу, қозғалысқа қатысушыларды хабардар ету, жол қызметтерінің жұмысын оңтайландыру және жолдағы қауіпсіздікті сақтау мақсатында көлік саласында, оның ішінде қазақстандық қамту үлесін ұлғайта отырып, озық ақпараттық және коммуникациялық технологиялардың пайдаланылуын дамытатын болсын;

-халыққа көрсетілетін көлік қызметтерінің сервис деңгейі мен сапасын арттыру бойынша жүйелі жұмыс жүргізсін және әкімшілік кедергілерді азайтуды, онлайн қызметтері мен ақпараттық технологияларды қолдана отырып, жол жүру билеттерінің ашықтығы мен оларға қолжетімділікті қамтамасыз етсін;

-шекарада халықаралық көлік дәліздерін тиісті жол бойындағы инфрақұрылыммен қамтамасыз ету арқылы олардың өткізу қабілетін арттыра отырып, Қазақстан арқылы транзиттік тасымалдау көлемін ұлғайту және интеграцияланған көлік-логистикалық инфрақұрылым құру жөніндегі шаралар кешенін қабылдасын;

-көлік саласының білікті мамандарын (авиация инженерлерін, әуе кемесінің ұшқыштарын, капитандарды, теңізшілерді, логистика саласындағы мамандарды және инженерлік-техникалық мамандарды) даярлау және оқыту сапасын бақылау жүйесін құру арқылы олардың біліктілігін халықаралық стандарттарға дейін арттыру жөніндегі жұмысты жандандырсын.